

## EN IOANEJ A KIJIN LIKAU KAJILU.

<sup>1</sup> IET *nai* me laud o ranamau won Kaiuj kompok, me i kin pokopoke melé. <sup>2</sup> Kompoke pa i, i kin men, koe en pwaida o rojon ni wiawia karoj duen *nen* om me pwaida. <sup>3</sup> Pwe i peren kida kausalap, ri atail oko lao pwarado, katitiki *on* ia duen om melé o duen om kin alialu wei ta ni melé. <sup>4</sup> Jota ai peren me lapa *jan* met, ni ai *ron* duen *nai* jeri kan, me kin alu wei ta ni melé. <sup>5</sup> Kompoke pa i, me mau, me koe kin wiai *on* ri atail o pil men kairu kan, <sup>6</sup> Me katitiki *on* momodijou duen om limpok; me mau, ma koe pan jauaja irail, duen me kon *on* Kot. <sup>7</sup> Pweki mar a re kin koko wei ta, jota tunole meakot ren men liki kan. <sup>8</sup> I me kitaíl en jauaja *jon* due met, pwe kitaíl en wia jauaj pan melé. <sup>9</sup> Meakot i intinki *woner* momodijou, a Diotrepej me akajaumaj *on* irail, jota duki *on* kit. <sup>10</sup> Ari, i lao pwara wei, i pan katamanki i a wiawia kan, me a kin wiada, pwe a kin lokaia jued duen kit. A kaidin i eta, pwe pein i jota kin kajamo ri atail ko, ap pil inapwiedi, me kin men apwali ir, o kajapok ir ala *jan* nan momodijou. <sup>11</sup> Kompoke pa i, der idauen me jued a me mau. Me kin wia me mau, me *jan* ren Kot, a me kin wia me jued, jota kilaner Kot. <sup>12</sup> Demetriuj indand ren amen amen o pil ni melé. O kit pil kadededa, a koe aja, me at kadede me melé. <sup>13</sup> Kajoi toto me mi re i, me i kak *intin* won uk, a i jota men intinki ink o men *intin*. <sup>14</sup> A i

kaporoporeki, me koren, me i pan kilan uk, kita ap pan kajokajoi pena. <sup>15</sup> Papol en mi re om. Kompok kan kin ranamau won uk. Ranamauieki kompok kan mar arail.

**Kadede Kap Pjam Akan**  
**The New Testament and Psalms in the Pohnpeian**  
**language of the Federated States of Micronesia (old**  
**translation, using old alphabet)**

Public Domain

Language: Pohnpeian

2014-11-10

---

PDF generated using Haiola and XeLaTeX on 11 Nov 2022 from source files  
dated 30 Nov 2021

1941731f-581e-5815-a2a4-a976cf53af02